

徐仲由

達士徐仲由先生，臨海安人也。元末舉秀才，明初不仕，自號松巢居士。倚聲度曲，不讓古人。嘗見其滿庭芳句云：清霜籬落，紅葉林邱。淵明彭澤，辭官後不事王侯。其高蹈之節，直從笛孔中度出。

黃子運

處士黃子運先生，樞元末休甯人也。洪武初被徵，以蹙足免鄉人呼妙拐先生。同時有呂不用字則耕者，新昌人也。洪武二年舉本學教諭，以聾病辭。自號石鼓山聾，二公皆傲世不羈，得山林秀傑氣者。

道藏輯要

三季全集 隱鑑

三 續畢集七

張惟中

處士張惟中先生，庸慈溪人也。元末兵亂，竊據者署爲上虞山長，不就。明初屢聘不出，迹溪山，浩歌白石間，與當代士大夫詩酒往還。及勸以入官，則婉辭謝之。人謂其貞不絕俗，隱不違親。郭林宗一流人也。

王仲光

逸士王仲光先生，賓長洲人也。與吳縣韓奕、崑山王履稱吳中三高。幽懷蕭散，放權煙江。嘗與公望聯吟有也知性僻難趨俗，却喜身閑不屬人之句。觀此可以想見其異苔同岑也。

陳克昌